



U skladu sa članom 3. i članom 5. Programa utroška sredstava komunalne naknade za 2020.godinu (u daljem tekstu Programa) te u skladu sa Okvirnim programom rada Općinskog vijeća za 2021.godinu, Zavod za planiranje i izgradnju općine Kakanj podnosi Općinskom vijeću

IZVJEŠTAJ

o realizaciji Programa utroška sredstava komunalne naknade za 2020. godinu

Programom utroška sredstava komunalne naknade za 2020. godinu planirano je **2.367.500,00 KM**. Prihod komunalne naknade u 2020. godini (prebačen Zavodu od strane Općine) iznosio je 1.715.029,86 KM što je 72,40 % u odnosu na planirani utrošak po Programu utroška sredstava komunalne naknade za 2020. godinu. Ukupno raspoloživa sredstva komunalne naknade za 2020. godinu su iznosila 2.192.348,11 KM. Razlika između raspoloživih i ostvarenih sredstava komunalne naknade u iznosu od 477.318,25 KM odnose se na naplaćenu komunalnu naknadu na depozitni račun Općine Kakanj koja nisu još prenešena na račun Zavoda.

U tabelarnom prikazu koji slijedi može se vidjeti kolika je realizacija pojedinih pozicija u odnosu na planirane pozicije po usvojenom Programu:

Red.br.	Naziv projekta	Planirano (KM)	Realizovano (KM)	Stepen realizacije i napomena
1.	Održavanje i modernizacija javne rasvjete	845.000,00	706.190,35	realizovano
1.1.	Utrošak električne energije javne rasvjete u gradu i mjesnim zajednicama	700.000 ,00	603.809,14	
1.2.	Održavanje i rekonstrukcija javne rasvjete na području općine Kakanj	140.000,00	102.381,21	
1.3.	Nabavka LED rasvjetnih tijela (u skladu sa realizovanim projektima)	5.000,00	0,00	
2.	Zimsko održavanje prohodnosti na sobračajnicama	210.000,00	210.000,50	realizovano

3.	Obilježavanje naseljenih mjesta, ulica, trgova i označavanje zgrada brojevima	70.000,00	59.893,05	realizovano
4.	Održavanje javnih saobraćajnih površina	75.000,00	48.500,11	realizovano
4.1.	Izrada horizontalne signalizacije u gradu	25.000,00	5.067,96	
4.2.	Izrada i postavljanje vertikalne saobraćajne signalizacije u gradu i mjesnim zajednicama	15.000,00	7.829,30	
4.3.	Postavljanje i skidanje montažno-demontažnih usporivača brzine na saobraćajnicama	10.000,00	10.603,66	
4.4.	Rekonstrukcija stepeništa, ograda, rukohvata i drugi nepredviđeni radovi	25.000,00	24.999,19	
5.	Izrada projektne dokumentacije za most na rijeci Bosni i podvožnjak u Modrinju (Idejni projekat)	35.000,00	28.665,00	realizovano
6.	Dekoracija općine	13.000,00	7.971,49	realizovano
6.1.	Postavljanje transparenata i zastava za državne, međunarodne i vjerske praznike i ukrašavanje područja općine	10.000,00	5.227,22	
6.2.	Nabavka novih transparenata, zastava i ukrasa	3.000,00	2.744,27	
7.	Održavanje spomen obilježja	10.000,00	10.000,07	realizovano
8.	Održavanje postojeće urbane opreme u gradu i nabavka nove	55.000,00	46.212,13	realizovano
8.1.	Održavanje postojeće urbane opreme	40.000,00	40.191,31	
8.2.	Nabavka urbane opreme	15.000,00	6.020,82	
9.	Sanacija gradskih i prigradskih ulica	50.000,00	0,00	Nije ugovoreno
10.	Izgradnja potpornog zida i parkinga ispred zgrade K15 u ul.A.Izetbegovića	26.501,40	0,00	Ugovoreno a nije realizovano
11.	Odvodnja oborinske kanalizacije u ul.Rudarska	10.654,00	0,00	Ugovoreno a nije realizovano
12.	Izrada glavnog projekta mosta u Modrinju	35.000,00	0,00	Nije ugovoreno

13.	Izrada studije: Energetski efikasna rekonstrukcija javne rasvjete na području Kaknja	7.000,00	7.020,00	realizovano
14.	Farbanje biciklističkih staza u gradu	20.000,00	0,00	Nije ugovoreno
15.	Nabavka nastrešnica za autobuska stajališta (2 kom.)	25.000,00	6.999,82	realizovano
16.	Završetak radova na izgradnji parkinga kod Veterinarske stanice	15.000,00	0,00	Ugovoreno na iznos od 13.109,54 KM. Nije realizovano.
17.	Rekonstrukcija ceste na Plandištu - denivelacija	45.000,00	0,00	Ugovoreno na iznos od 44.928,00 KM. Nije realizovano.
18.	Sanacija ceste kroz Malješ – industrijski put	30.000,00	0,00	Ugovoreno na iznos od 29.999,65 KM. Nije realizovano.
19.	Završetak radova na izgradnji pristupne saobraćajnice prema stadionu Rudar	40.000,00	0,00	Ugovoreno na iznos od 44.932,07 KM. Nije realizovano.
20.	Led rasvjeta pored stadiona Rudar – iznad zgrade općine	15.000,00	0,00	Nije ugovoreno
21.	Uređenje parking prostora u gradu	20.000,00	0,00	Nije ugovoreno
22.	Rekonstrukcija ceste u MZ Kakanj II – Ulica Rudi Čajevac (iznad baraka) 20.000KM; iznad šumoničke vode 10.000KM	30.000,00	0,00	Ugovoreno na iznos od 29.997,88 KM. Nije realizovano.
23.	Izrada idejnog i glavnog projekta gradskog bazena	27.144,60	0,00	Nije ugovoreno
24.	Dio troškova (plate, materijalni trškovi i usluge) Zavoda	648.200,00	638.291,86	realizovano
25.	Rezervna sredstva	10.000,00	1.343,37	realizovano
UKUPNO :		2.367.500,00	1.771.087,40	

OBRAZLOŽENJE

Sredstva planirana Programom utroška sredstava komunalne naknade za 2020. godinu koristila su se po stavkama za slijedeće stavke:

1.Održavanje i modernizacija javne rasvjete -706.190,35 KM

1.1.Utrošak el. energije javne rasvjete u gradu i mjesnim zajednicama – 603.809,14 KM

Ugovori o nabavci i isporuci el.energije za javne rasvjete sklopljeni su sa JP „Elektroprivreda BiH“ za svako mjerno mjesto posebno, na teritoriji općine Kakanj. Kako se iz godine u godinu širila mreža javne rasvjete tako se povećavao i utrošak el.energije. Međutim u 2020. godini taj utrošak nije bio veći u odnosu na 2019. godinu obzirom da se zadnjih godina novi projekti javne rasvjete rade isključivo sa LED rasvjetnim tijelima a takođe rađene su i rekonstrukcije postojećih rasvjeta na način da su sijalice zamijenjene novim LED rasvjetnim tijelima pa su se osjetile uštede el.energije. Pored navedenog, nisu realizovani svi planirani projekti javnih rasvjeta a za koje je planiran utrošak el.energije.Napominjeno da smo par prethodnih godina provodili javnu nabavku za odabir najpovoljnijeg ponuđača, računajući da je tržište otvoreno za konkurenciju, ali smo svaki put imali samo ponudu JP „ Elektroprivrede BiH“. Čak se dešavalo da plaćamo skuplju cijenu KWh el.energije nego ostali potrošači jer smo kao kupci bili vezani za ugovor i cijenu iz ponude.

Iz tih razloga u 2020. godini nismo provodili javnu nabavku nego smo sklopili ugovor sa JP „ Elektroprivreda“ BiH kao kvalifikovani kupci za kategoriju javna rasvjeta u skladu sa važećim pravilnicima i cjenovnicima koje donosi FERK.

1.2.Održavanje i rekonstrukcija postojeće javne rasvjete u gradu i MZ-a - 102.381,21KM

Na osnovu Okvirnog sporazuma zaključenog sa JP “Elektroprivreda BiH” d.d. Sarajevo, Zavisno društvo Rudnik mrkog uglja „Kakanj“ d.o.o. Kakanj za period 2018,2019. i 2020. godina potpisan je Ugovor o izvođenju radova na održavanju postojeće javne rasvjete u gradu i mjesnim zajednicama, sa J.P. Elektroprivreda d.d. Sarajevo, zavisno društvo Rudnik mrkog uglja d.o.o. Kakanj.

Ovi radovi su se odnosili na redovno održavanje javne rasvjete u ispravnom stanju, a to su radovi na zamjeni sijalica, zamjeni dotrajalih rasvjetnih tjela i ugradnji potrebnih spojeva i kablova.

Takođe, u prethodnom periodu vršeni su radovi koji se odnose proširenje mreže novim LED svjetiljkama u nevedenim trafo stanicama: TS Mehmeda Skopljaka, TS Slapnica, TS Varda II, TS Varda I, TS IV juli, TS P+3, TS Plandište, TS Bare, TS Vehabi, TS Brežani.

Pored navedenog, radilo se i na pripremnim radovima (polaganje kablova) za montažu gradskih displeja. Obzirom da je ugovor zaključen tek u aprilu, da je situacija sa pandemijom usporila i u nekim mjesecima skoro potpuno onemogućila realizaciju (manjak radne snage na održavanju), da je Izvođača radova imao probleme sa nabavkom materijala i sve to je prouzrokovalo da ugovor nije u potpunosti implemetiran do kraja godine iako su potrebe na terenu postojale.

1.3. Nabavka Led rasvjetnih tijela (u skladu sa realizovanim projektima)...5.000,00 KM.

Po ovoj stavci nije bilo utroška iz razloga što se zadnjih godina uglavnom radi LED rasvjeta i što su se kvarovi i slični problemi uglavnom dešavali u garantnom roku pa smo pozivali izvođače da otklone nedostatke o svom trošku, što je njihova ugovorna obaveza.

2.Zimsko održavanje prohodnosti na sobračajnicama – 210.000,50 KM

Planiranim iznosom obuhvaćen je dio zimskog održavanja na području Kaknja (grad i prigradske ulice) koji je u skladu sa Zakonom o komunalnim djelatnostima ZDK dodjeljen JP „Vodokom“ d.o.o. Kakanj.

Zimsko održavanje podrazumijeva održavanje u prohodnom stanju gradskih saobraćajnica i ostalih javnih površina u gradu (trotoari, parking prostori, platoi, stepeništa, prilazi školama itd...).

U periodu od 01.01. 2020. godine do 15.03. 2020. godine te u periodu od 15.11.2020. godine do 31.12.2020. godine, održavaju se slijedeće saobraćajnice:

a. gradske saobraćajnice, parkinzi i trotoari

- Ul. Alije Izetbegovića, ul. Branilaca, ul. 7. muslimanske brigade, ul. Rudarska, ul. Mehmeda Skopljaka, ul. Zeničkog partizanskog odreda, Ul. Šehida, ul. Melente Bošnjaka, 4. juli
- transverzale sa mostovima između ul. Alije Izetbegovića i ul. Branilaca,
- parkinzi ispred i iza zgrade bivše Općine i objekta " Bingo" plato ispred zgrade P+4+M, prilazi oko
lamela i iza zgrade bivše gradske apoteke, plato tržnice i banke,
- novoizgrađene saobraćajnice u ul. Branilaca i ul. Alije Izetbegovića.
- Mala ulica i gradsko šetalište, prilazi iza zgrada u Maloj ulici, parkinzi oko S-1, S-2 i S-3,
- prilaz zgradi javnih preduzeća, prilazi oko sportsko - kulturnog centra, parking iza direkcije RMU.
- Plato ispred zgrada P+2, P+3 i P+4, ul. Osmana Đafića, Stadionska i parking zanatskog centra,
ul. Stjepana Kovačevića, ul. Rudi Čajavec, lamele kod bivše Kule, ul. 309. brdske brigade, ul. Omera Maslića, V Divizije NOP-a, Podvarda, potez- Egipat-Moca-Elita,
- ul. Vehbije Kulovića, ul. 8. april, ul. Željeznička, ul. Vatrogasna
- ul. Ivo Lola Ribar, parking kod zgrade „Ara“, ul. Paše Kubata, ul. Rudi Mali.
- Ul. 1. maj, naselja Bare i Plandište, naselje kod Tvornice cementa, naselja Pope i Varda, ul. Bratstva
i jedinstva, ul. Patriotske lige.
- Ul. Almira Hasagića, Vinski put, 29. novembar i 25. novembar, naselje Povezice, naselje Termoelektrane, ulice u naselju Čatići i ulice u Kraljevoj Sutjesci.
- Trotoari, stepeništa i biciklistička staza

U prigradskim naseljima posebno na uzbrdicama odvučena je i razatrta šljaka.

b. prigradske saobraćajnice

- Kakanj – Brnj (Geben-Brnj)
- Kakanj-Koprivnica-D. Banjevac
 - Deponija Turbići - Gora
 - Deponija Turbići- Poljice
- Kakanj-Alagići-Čizmići-Crnač-Kalfići
- Kakanj-Bičer
- Hrasnice
- Aliefendići
- Brus
- Zgošća
- Rudi Mali- Vrbica

3. Obilježavanje nas. mjesta, ulica, trgova i označavanje zgrada br. - 59.893,05 KM

U skladu sa O D L U K O M o obilježavanju naseljenih mjesta, ulica, trgova, mostova i označavanju zgrada brojevima („Sl. Novine Općine Kakanj“ broj: 05/16 od 05.04.2016. godine) u 2020. godini implementirana je zadnja faza koja je ugovorena sa preduzećem „ Pismorad“ d.d. Zagreb.

Nakon provedene procedure javne nabavke potpisan je Okvirni sporazum u trajanju od tri godine (2017, 2018. i 2019. godina) sa preduzećem Pismorad d.d. Zagreb, za realizaciju projekta obilježavanje naseljenih mjesta, ulica i kućnih brojeva na području općine Kakanj. Ugovor za 2019. godinu je poslat na potpisivanje krajem 2019. godine a potpisan je od strane Dobavljača tek u 2020. godini. Pandemija korona virusom je usložnila i usporila realizaciju ugovora pa je specificirana roba (table naseljenih mjesta, ulica, zgrada..) isporučena tek u novembru 2020. godine ali zbog vremenskih uslova i svih mjera vezano za pandemiju kako u Hrvatskoj tako i u BiH montaža isporučenih tabli nije izvršena u 2020. godini tako da je

Dobavljač ispostavio I privremenu situaciju za isporuku robe. S iste pozicije su plaćene i carinske obaveze.

4. Održavanje javnih saobraćajnih površina – 48.500,11 KM

4.1. Izrada horizontalne signalizacije u gradu -5.067,96 KM

Na osnovu Okvirnog sporazuma za 2018, 2019. i 2020. godinu, zaključen je Ugovor o vršenju radova na izradi horizontalne signalizacije sa društvom " „Sacom“ d.o.o. Sarajevo na iznos od 5.067,96 KM koliko je ostalo sredstava po Okvirnom sporazumu. Planiran je novi postupak javne nabavke za zaključenje Okvirnog sporazuma na period 2020-2022. godina na osnovu kojeg bi se zaključio drugi ugovor o izvođenju radova za preostala sredstva na ovoj poziciji. Međutim postupak javne nabavke je zbog uloženje žalbe trajao mnogo duže i na kraju i poništen Rješenjem URŽ-i. U ponovljenom postupku koji je u toku izmjenjena je TD na period Okvirnog sporazuma 2021.-2023. godina.

U okviru ugovorenog iznosa izvedeni su radovi na izradi horizontalne signalizacije i to: mašinska izrada pune i isprekidane linije na gradskim saobraćajnicama i ručna izrada punih linija pješačkih prelaza, ostrva, strelica i piktograma.

Takođe je obnovljena signalizacija rađeno na novom pilot na dva pješačka prelaza u 3D projekciji.

4.2. Izrada i postavljanje vertikalne saobraćajne signalizacije u gradu i MZ-a – 7.829,30 KM

Sa društvom " Buljan ceste" d.o.o. Kreševo, zaključen je ugovor o izvođenju radova na izradi i postavljanju vertikalne saobraćajne signalizacije a na osnovu Okvirnog sporazuma za 2018, 2019 i 2020. godinu.

Vetikalna saobraćajna signalizacija se uglavnom postavljala po Rješenju Službe za privredu, nadopunjavala se postojeća vertikalna signalizacija, postavljeni novi znakovi i vršena zamjena oštećenih i zastarjelih saobraćajnih znakova.

4.3. Postavljanje i skidanje mont.-demont. usporivača brzine na saobr.– 10.000,00 KM

U okviru Ugovora sa preduzećem J.P. "Vodokom" d.o.o. Kakanj, u proljeće je vršena montaža gumiranih usporivača brzine. Usporivači se postavljaju uz pješačke prelaze, u blizini školskih objekata, a radi sigurnosti pješaka i đaka. Pred zimski period usporivači brzine su demontirani radi lakšeg zimskog održavanja saobraćajnica.

4.4. Rekonstrukcija stepeništa, ograda, rukohvata i drugi nepredviđeni radovi- 25.000,00 KM

U okviru Ugovora sa preduzećem J.P. "Vodokom" d.o.o. Kakanj izvršeni su radovi na sanaciji oštećenih stepeništa, trotoara i ograda na stepeništima na nekoliko lokacija u gradu (Čišćenje, zaštira i premaz lakom ograde na igralištu u MZ Sopotnica, igralištu PTT i igralištu Centar, čišćenje, zaštita i premaz lakom rukohvata po gradu, obrada betonskih stepenica prema Domu zdravlja, sanacija stepenica kod JUKSC, postavljanje zaštitnih željeznih stubića i popravka postojećih na više lokacija u gradu, popravka i zavarivanje ulazne kapije na ogradi igrališta MMB u više navrata, zavarivanje i farbanje zaštitne mreže na igralištu MMB, zaštita i farbanje ograde na trotoaru kod Pokopnog društva, zatim razne sitne usluge prilikom organizacija manifestacija, zatvaranja saobraćaja i sl..

5. Izrada projektne dokumentacije za most na rijeci Bosni i podvožnjak u Modrinju – 28.665,00 KM

Provedena je procedura javne nabavke i sklopljen ugovor o izradi Idejnog projekta „Most na rijeci Bosni sa podvožnjakom i lokalnom saobraćajnicom u MZ Modrinje sa konzorcijem: Modus projekt“ d.o.o. Kakanj i „ Geoavas“ d.o.o. Sarajevo, čiji vodeći lider je „Modus projekt“ d.o.o. Kakanj krajem 2019. godine. Ugovor je sklopljen na iznos od 28.665,00 KM. Radi se o veoma kompleksnom projektu naročito u dijelu koji se odnosi na prolaz ispod željezničke pruge i uslove koje postavlja JP „ Željeznice FBiH“ koje je dalo uslovnu

saglasnost u kojoj je između ostalog tražena izrada Idejnog projekta koji će ponovo razmatrati prije izdavanja konačne saglasnosti za ovaj projekat.

Izrada Idejnog projekta je završena početkom 2020. godine i projektna dokumentacija je proslijeđena JP „Željeznice FBiH“ u februaru 2020. godine a isti su odgovorili krajem oktobra 2020. godine izdajući ponovo uslovnu saglasnost koja se odnosila na izradu Glavnog projekta.

6. Dekoracija općine - 13.000,00 KM

6.1. Postavljanje transparentata i zastava za državne, međunarodne i vjerske praznike i ukrašavanje područja općine - 5.227,22 KM

U sklopu Ugovora sa preduzećem J.P. "Vodokom" d.o.o. Kakanj vršeni su ovi radovi tokom cijele godine, pred praznike i značajne događaje, kada se na području općine postavljaju transparenti i zastave.

Za novogodišnje praznike postavljaju se svjetleća dekoraciona tijela, vrši se postavljanje i ukrašavanje jelke na gradskoj fontani. Redovno se vrši pranje transparentata i reparacija oštećenih kao i nabavka novih zastava.

6.2. Nabavka novih transparentata, zastava i ukrasa – 2.744,27 KM

U okviru ove pozicije izvršena je nabavka novih zastava, a takođe i redovno obnavljanje dotrajalih zastava, ukrasa i sl.

7. Održavanje spomen obilježja - 10.000,07 KM

Obavljanje ovih poslova povjereno je preduzeću J.P. "Vodokom" d.o.o. Kakanj.

Ova pozicija podrazumijevala je redovno čišćenje, pobiranje otpadaka, pranje spomen obilježja i pristupnih staza u gradskom parku, a naročito detaljno čišćenje prilikom održavanja manifestacija.

Svake godine pred manifestacije i obilježavanje važnih datuma, čiste se i vrše popravke na spomenicima u Kamenici, Semizovcu i Kraljevoj Sutjesci a od ove godine i uređenje parka Zlatnih ljiljana kod Doma kulture.

8. Održavanje postojeće urbane opreme u gradu i nabavka nove – 46.212,13 KM

8.1. Održavanje postojeće urbane opreme - 40.191,31 KM

Kroz Ugovor sa J.P. "Vodokom" d.o.o. Kakanj, precizirano je održavanje urbane opreme u gradu, a između ostalog i održavanje dječijih igrališta i sprava za igru djece u ispravnom stanju. Radovi po ovoj poziciji odnosili su se na:

- montažu korpi za otpatke na dječijim igralištima
- čišćenje, zaštitu i premaz lakom klupa za sjedenje na svim dječijim igralištima, duž male ulice i bulevar Podvarda.
- farbanje tribina i cikle igrališta kod PTT
- regulacija saobraćaja sa klenfixima i nosačima za potrebe blokade saobraćaja
- zamjena štafli i dasaka na klupama na igralištima, na Maloj ulici i bulevaru Podvarda
- farbanje sjedalica na malim štaflama na klupama kod PTT-a
- reparacija, čišćenje, zaštita i farbanje ljuljački na svim igralištima i duž Male ulice
- zamjena oštećenih mrežica na košarkaškim obručima (više puta)
- montaža svog mobilijara na igralištima u proljeće i ponovna demontaža u jesen
- odzamljavanje i zazimljavanje gradske fontane te razni sitni sanacioni radovi tokom rada fontane
- čišćenje krovnog pokrova na bus stajalištima
- čišćenje, zaštita i premaz lakom stubića – zaštita za pješake na mnogim lokacijama u gradu
- redovno održavanje svih ljuljački i klackalica i podmazivanja,
- postavljanje novih sjedalica od nepropusne špere na svim ljuljačkama i klackalicama na svim dječijim igralištima i duž Male ceste

8.2 Nabavka urbane opreme -6.020,82 KM

U okviru ove pozicije izvršena je nabavka sitnih dijelova za održavanje urbane opreme. Takođe u okviru ove pozicije izvršena je nabavka novih ukrasa za grad pred novogodišnje praznike.

9. Sanacija gradskih i prigradskih ulica – 00,00 KM

Obzirom na slabiji prihod u budžetu za 2020. godinu, implementacija ove stavke nije realizovana.

10. Izgradnja potpornog zida i parkinga ispred zgrade K15 – 0,00 KM

Projekat je bio planiran i u Programu za 2019. godinu te je nakon provedene procedure u otvorenom postupku javne nabavke sklopljen ugovor o izvođenju radova sa društvom „Trgošped“ d.o.o. Kakanj na iznos od 26.501,40 KM. Ugovor nije realizovan u 2019. godini iako je Izvođač radova bio uveden u posao. Naime, prilikom iskopa zemlje za temelj potpornog zida naišlo se na podzemne instalacije grijanja. Kako se bližio kraj građevinske sezone i budžetske godine JP Grijanje nije bilo u mogućnosti izmiještati odnosno mijenjati instalacije tako da je ugovor ostao za realizaciju u 2020. godini. Međutim, JP Grijanje nije uspjelo ni tokom 2020. godine izvršiti izmještanje svojih instalacija tako da je projekat ostao nerealizovan i ponovo će se planirati za 2021. godinu.

11. Odvodnja oborinske kanalizacije u ulici Rudarska – 00,00 KM

Ugovor o izvođenju radova sklopljen je sa društvom „Trgošped“ d.o.o. Kakanj u 2019. godini. Na iznos od 10.654,00 KM. Prije planiranog početka radova Zavod je tražio od RMU „Kakanj“ saglasnost za izvođenje radova obzirom da planirana trasa kanalizacionog voda prolazi parcelom k.č. 1035/1 k.o. Kakanj, krug Stare direkcije. Kako je saglasnost, uz određene uslove, izdata tek 30.12.2019. godine, realizacija je planirana za 2020. godinu. U međuvremenu, nakon prodaje lokacija i objekata „Rudstroja“, započeti su razni radovi drugih investitora na tom prostoru a prvenstveno izgradnja nove, pristupne saobraćajnice koja je u koliziji sa trasom našeg projekta koji ćemo moći implementirati kada se definiše niveleta nove saobraćajnice.

12. Izrada glavnog projekta mosta u Modrinju – 00,00 KM

Kako smo već spomenuli završena je izrada Idejnog projekta i isti je prosljeđen u JP „Željeznice BiH“ početkom godine, Međutim, povratnu informaciju od JP smo dobili tek krajem oktobra ponovo uz Uslovnu saglasnost.

Za izradu tenderske dokumentacije i projektnog zadatka za Glavni projekat mosta neophodna je prethodna vodna saglasnost. Prema zakonu o vodama FBiH (Sl.novine FBiH“, broj: 70/6) rijeka Bosna spada u vodotoke I kategorije koja je u nadležnosti Agencije za vodno područje rijeke Save a za spomenutu saglasnost potrebna je Studija uticaja velikih voda rijeke Bosne ranga pojave Q 1/100 na objekat novog mosta

Studija je urađena i dostavljena Zavodu krajem decembra a zatim predata MZ-i koja je pokrenula postupak izdavanja prethodne vodne saglasnosti.

13. Izrada studije: Energetski efikasna rekonstrukcija javne rasvjete na području Kaknja-7.020,00 KM

Projekat je realizovan. Studiju izvodljivosti upravljanja javnom rasvjetom na području općine Kakanj uradilo je društvo „ Neos“ d.o.o. Mostar. Studija je prezentirana OV i o njoj se diskutovalo na jednoj od prethodnih sjednica Općinskog vijeća.

14. Farbanje biciklističkih staza u gradu

20. Led rasvjeta pored stadiona Rudar- iznad zgrade Općine

21. Uređenje parking prostora u gradu

23. Izrada Idejnog i glavnog projekta gradskog bazena

Gore navedene tačke Programa nisu niti ugovorene ni realizovane zbog slabijeg priliva sredstava u budžet po osnovu komunalne naknade.

15. Nabavka nastrešnice za autobusko stajalište (2 kom.)- 6.999,82 KM

U okviru ove pozicije izvršena je nabavka i uređenje jednog autobuskog stajališta, kod zgrade Elektro Kakanj , u ulici Branilaca. Nabavku i montažu nastrešnice izvršilo je UD „ Inox metal“ a ugovoreni iznos je 2.500,00 KM. Uređenje autobuskog stajališta izvršilo je društvo „Ava star“ d.o.o. Kakanj a ugovoreni iznos je 4.499,82 KM

16. Završetak radova na izgradnji parkinga kod Veterinarske stanice

17. Rekonstrukcija ceste na Plandištu-denivelacija

18. Sanacija ceste kroz Malješ- industrijski put

19. Završetak radova na izgradnji pristupne saobraćajnice prema stadionu Rudar

22. Rekonstrukcija ceste u MZ Kakanj II

Za navedene radove je provedena javna nabavka i sklopljeni su ugovori o izvođenju radova ali zbog slabijih prihoda po osnovu komunalne naknade radovi nisu izvedeni ali će se ovi projekti prenijeti u Program za 2021. godinu i daće ime se prednost u realizaciji.

24. Dio troškova (plate, materijalni troškovi i usluge) 638.291,86 KM

Ovi troškovi odnose se na:

- Bruto plate i naknade
- Naknade troškova zaposlenih
- Doprinosi poslodavca i ostali doprinosi
- Putni troškovi
- Izdaci za komunikacije i komunalne usluge
- Nabavka materijala i sitnog inventara
- Izdaci za usluge prijevoza i goriva
- Unajmljivanje imovine i opreme
- Izdaci za tekuće održavanje
- Usluge osiguranja, bankarske usluge i usluge platnog prometa
- Ugovorene i druge posebne usluge

25. Rezervna sredstva - 1.343,37 KM

Ovi troškovi se uglavnom odnose na troškove obavještenja u Sl.glasnicima u postupcima javnih nabavki.

OBRADIVAČ

Zavod za planiranje i izgradnju općine Kakanj

PREDLAGAČ

Općinski načelnik
